

YAKOBO

Ɔko Gɔ I Yakobo Ɔtsɛɛ

¹ Mme Yakobo gɔ ndɛ Ƴaa gu Bosate Yesu Kristo ɔɔabo lotsɛɛ ɔko gɔgbe nto lotã Ƴaa maturi ma lobie makã kayiiso ɔɔɔɔ. Loya mi ɔɔɔɔ.

Mimɔẽ So Mila Si Imɔrẽ Ɔtu Mi.

² Manyii, si amɔrẽ agbãagbã ɔtu mi ne, mina isoɔɔ gbaã.

³ Alaso miɛ sɔ si mala mi kafɔkaɔ manyɔ fie miya ne, miaki i ne ame mire siɔu teteree.

⁴ Mitã mi iya teteree si ite i mi kurabarara ame sɔ miadɛ mma loyi i ira biara ame fie kuira iisinya ma.

⁵ Si iwola ɔnya mi ndɛ ɔrere ne, ɔkare Ƴaa gɔ loatã wũ, alaso ɔse ɔɔi kayiri ɔtã mma ɔɔɔɔ nse makare wũ ara gɔ ɔise ɔnyɔ kama.

⁶ Ƴɛɛ si ɔto ɔkare Ƴaa ira ne, iwararã kuiwẽ si idaawe i ɔ ame, ɔfo ɔɔɔ. Ɔbiara gɔ nse ɔwararã Ƴaa ne, ɔse le ɔpo gɔ nto ɔpe ɔfe ɔkpese.

⁷⁻⁸ Ngo adzuni nse afiniki malamala, fie ɔiɛ teteree i ɔ kurabarara ame si ɔdaanyɔ ɔri sɔ ɔafo kuira ɔbɔɔɔgu i Bosate kɔɔɔ.

⁹ Si Ƴaa ɔtara ɔnyii gɔ ndɛ wɛɛba iti kato ne, ɔna isoɔɔ.

¹⁰ Ngbo ame si Ƴaa ɔbo fɔɔɔɔɔɔ gɔ ndɛ ranase karɔ ne, ɔna isoɔɔ. Alaso maranase ne, ɔse mase le sikua aɔɔla wa loakpa ayu.

11 Si kuḡẽ ɔbɔre fie kaɖe ɔobe ne, kuse kuɖe sikua siḡɔ, iyo aḡɔla ɔɔkpa go aisise ale ɔnyɔ. Ngbo ame i ranase se ɔtere ɔfe ɔkpese gbɔgbɔɔgbɔ ɔkpi kere ɔakpi ne.

Ngbɔ I Kalakanyɔ Gu Ikereinyɔ Se Ibɔre.

12 Kusekuse kutã ngo nse ɔmɔẽ so ɔla i kalakanyɔ ame alaso si ɔki ne ame ɔbɔre ne, Ḳaa aasu ngbã daaro kaḡekase ga i Bosate ɔḡe ɔse so ɔatã mma nse maɖɔe wũ ɔtã wũ le iɖeiso kuso.

13 Si kalakanyɔ gamɔ igbã ɔba ɔturi iso ne, ɔdaaḡe so Ḳaa kɔre kabɔre, alaso maibawo Ḳaa ɔla ɔnyɔ so ɔbara ikpi fie Ḳaa mɔmɔ ana iise ɔla ɔturi ɔnyɔ so ɔbara ikpi.

14 Ḳee ne, sosina ara wa nse akpẽ ɔturi ɔkã nse akpadzẽ wũ apia i kalakanyɔ ame.

15 Ara ɔkã ikpẽ se imɔ ikpese ikpi, fie si ikpi ɔmɔ iro ne, ise ikpese kukpi.

16 Wũ manyii ɖɔese, midaatã kuwẽ si ɔsɔsɔla mi.

17 Ara see gu karatã see ga lokate ɔɖuɖu ne, Ḳaa kɔre kabɔre. Kabɔre i ikpawai ɔɖuɖu baradze go nɖe ɔse kɔre. ɔise ɔfiniki fie idududu na i ɔ ame.

18 Ḳaa ɔki i ɔ mɔmɔ kuɖɔe ame ɔtã bo ngbã iki i ɔnukuare itɔme ame so boana kasekɔ ɖeakatɔ i ɔ kurabarara ɔɖuɖu ame.

Minɔ Itɔme Si Mibara Misia I Ne Iso.

19 Wũ manyii ɖɔese, minyɔ so mi ɔbiara aade ngo nse ɔpe siwa i ara inɔ ame, ḡee miɖe mma nse mayara so i ikade gu sikipã ina ame.

20 Alaso sikipã iise sitã ɔturi ɔbara nne i Ḳaa se ɔbie so ɔbara.

²¹ Ne ɔso midji inyanyara gu ngbã nyanyarĩa igbã biara i mi ame. Mibo so karõ mitã Ƴaa so miawo ð itõme ne ɔpe i mi ame fie iawo mi ngbã ɔtã ɔfo.

²² Mibara i Itõme Bielea iso. Midaaɔɔe mma nse makã itõme atsue kere mila miɔɔɔsola so.

²³ Alaso ngo nse ɔno itõme fie ðise ɔbara i ne iso ne, ɔse le ngo lonyo so katõ i aɣɔɣɔe ame kere.

²⁴ Si ðafiniki ɔrui ne, ðoɣara kumego i ð katõ se.

²⁵ Ƴee ngo nse ɔkarã ino i Ƴaa mmara me loyi fie mise mikurisi ɔturi ɔna isobue, ɔbara i me iso ana fie ðise ɔno ala atsue kere ne, Ƴaa se ɔfere wũ kusekuse i ira biara ne ðabara ame. Ƴise le ngo nse ɔno itõme kere.

²⁶ Si ɔrere to ɔbu so ɔɔe Ƴaa fɔɔɔɔɔe fie ðise ɔpia ɔnyagemi i irekpo ne, ɔto ɔsɔsola so fie ð kasumu ana ɔe siefe.

²⁷ Kasumu ga lokote fie iɣere na i kã iso i Ƴaa go nde Ƴse ano nde so, boabuai makpise mabi, gu makpise mare i ma amɔrẽ ame, ana ne, bobore so boɔi i ira biara ne loapukutura ɔturi i kayi gagbe iso kɔre.

2

Midaapia Ikpaki I Maturi Ndẽ I Mi Kurabarara Ame.

¹ Wũ manyii, le mma lofo Bosate Yesu Kristo go nde ikpawai Sate maɔe ne, midaanyo maturi i katõ i mi kurabarara ame.

² Mitã bosu so ɔwẽ ɔfu so ɔkati go lofo kuɣa, ɔpia sikãretea isukpe ɔba mi kasarekõ, fie ɔmama ana ɔfu so ɔkati kekɛa ɔba.

³ Si mitã ngo loledza so kukaako kuware miyere wũ so, “Ba se i iyara see negbe iso,” fie miyere wereba so, “Ya i mmɔ, xee ba se i wũ ngbatõ i karõ ngbe” ne,

⁴ ite so mito mipia ikpaki i mi ndẽ, miɗae atõme i ori go loile iso.

⁵ Wũ manyii dɔese, mikã atsue si minɔ. Yaa ɔɗi kayi gagbe mawereba so maade mafɔdedze siare gu mma ñasu sigarakadekõ ga ɔxe ɔse so ñatã mma nse maɗɔe wũ ɔtã.

⁶ Yee mise minyo mawereba pupurii! Iide maranase maɗe nse mabara mi kako, makpadzẽ mi makelegu atõmekaxekõ?

⁷ Ma ame maɗe nse maye anyakpi i iyere see ne masu matã mi go mikpese Kristo mare iso ne.

⁸ Si mibara i Yaa sigarakadekõ mmara iso pɛpɛpɛ le kumego matsere mapia i Ōko Sekelea ame ne, iyo mibara nne lokote. Nne matsere mase nde so, “Ɖɔe fɔ ɔlaa le kumego ato aɗɔe so.”

⁹ Yee si mito mipia ikpaki i maturi ndẽ i ma arapia kanya ne, mito mibara ikpi, fie mmara ɔotã mi ipo so mita miya me iso.

¹⁰ Ōbiara go lobara i mmara ɔɗuɗu iso fie ɔta ɔya miwẽ iso ne, ɔta ɔya i me ɔɗuɗu iso.

¹¹ Alaso Yaa go lotã mmara so, “Daade asɔrõ” ne, ñ ame loxe so, “Daadɔe ɔturi” ne. Ne ɔso si aide asɔrõ, xee aɗɔe ɔturi ne, atu mmara.

¹² Ne ɔso mitã so mi akade gu mi kurabarara si kute so mmara me loatã iseguso mide i Yaa aasu ɔxegu mi ala atõme.

¹³ Alaso ngo loise onyo ɔturi nnya ne, atõme ɔxewi ne, Yaa iibanyo wũ nnya ñ wũ. Yee Yaa

iibatã ngo nse onyo oturi nnya ipo.

Mibara Ara Wa Loate So Mifɔ Miɖe.

¹⁴ Wũ manyii, si ɔrere ɔɣe so ɔba kafɔkaɖe, ɣee ñ kurabarara iise kute ne, mme kusia ɔba? Ɔ kafɔkaɖe aawo wũ ngbã otã?

¹⁵ Mitã bosu so onyii ɔrerẽ ɣee ɔrɔgo go i arapia ɔkpi iso, ana ne, ɔna nne ñaɖe.

¹⁶ Si mi ndẽ ɔwẽ ɔɣere wũ so, “Kele i isobue ame, ɔyu si ɔdaakpẽ-ɔ, ɖe ara si ami,” fie ñitã wũ nne lonya itã wũ ne, mme ibuai iɖe otã wũ?

¹⁷ Ne ɔso si ɔrere ba kafɔkaɖe fie kurabarara iibua iso ne, kafɔkaɖe kpia kere kaɖe wũ.

¹⁸ Ƴee ɔwẽ aawo ɔɣe so, “Ɔturi ɔwẽ ba kafɔkaɖe fie ɔmama ana ba kurabarara.” Mmuai me loatã ngomɔ nde so, “Te me fɔ kafɔkaɖe ga nna kurabarara see si mme wũ lote-ɔ wũ kare iki i kurabarara see ame.”

¹⁹ Afo aɖe so Ƴaa ɔwẽ saã pe mpia. Ibuai ile, gbaã iɖe ana! Ta siwarã lalaa ofo siɖe ngbo, fie sise siti sikipakpa ku ifɔ.

²⁰ Ito aɖe! Ɔbie ato so loɣere-ɔ so kafɔkaɖe ga nna kurabarara see na kusia?

²¹ Be ɔso i Ƴaa onyo bo ɔwa Abraham so ɔɖe oturi bɔlɔlɔa? Ɔ kurabarara ɔso. Alaso ɔsu ñ obi Isak ɔkelegu so ɔasu wũ ofẽ ara otã Ƴaa.

²² Miinya ngbo? Ɔ kafɔkaɖe gu ñ kurabarara lose fie ñ kurabarara lotã ñ kafɔkaɖe ɔkote.

²³ Ne ɔso nne i Ɔko Sekelea ɔɣe ɔba i ne ame so, “Abraham ofo Ƴaa ɔɖe, ne ɔso Ƴaa onyo wũ so ɔse bɔlɔlɔ.” Ne ɔso i Ƴaa ɔkpere wũ so ñ ɔlaa ɔɖe ne.

²⁴ Minya kinio sɔ ʎaa iise ɔnya ɔturi kafɔkaɔe kere ɔnyɔ wũ sɔ ɔse bɔlɔlɔ si ɔ̃ kurabarara iibua iso.

²⁵ Ngbo ame ana i ʎaa ɔnyɔ Rahab gɔ nde asɔrɔɔɔɔɔɔɔɔ sɔ ɔse bɔlɔlɔ iki i ɔ̃ kurabarara iso ne. Nne i Rahab ɔbara nde sɔ, gɔ ofɔ Israel mabi ma loba maala karɔ̃ manyɔ ne, ɔbuai ma sɔ maki i ɔri mama matere.

²⁶ Ne ɔso iɔte sekelee sɔ kumegɔ ame i ɔturi de kpise si siwarã na i ɔ̃ ame ne, ngbo ame i kafɔkaɔe de ira kpia si kurabarara iibua iso ne.

3

Minyo Mi Sinyagẽmi Kukaako.

¹ Wũ manyii, midaatã sɔ mi ndẽ maturi gbodzoo akpesera sɔ maratedze. Le kumegɔ miye ne, bo maratedze atɔme iyege to iawe ɔle idɔ marasuãdze ɔkpe.

² Bo ɔɔɔɔ se boɔɔɔ. ʎee si ɔrere pia fie ɔise ɔɔɔɔ i ɔ̃ ikade ame ne, iyo ɔde ngo loyi fie ɔawo sɔ iso ɔde pelepele.

³ Bose bosu ɔwẽ bopia i ipɔngɔ kanya botã ne ibara bo kudɔɔ. Ana ne, bɔse bowo ipɔngɔ ɔfinikira ise ngbego boɔɔɔ.

⁴ Minyo ndu iso iyebi ana, atoa sɔ imɔ pawũ fie ɔwiri siare nse ɔsegu ne ne, ibɔra kekẽi kere ide i iyebikãdze se ɔsu ɔfinikira iyebi ɔkelɔgu ngbego ɔto ɔbie sɔ iki.

⁵ Ngbo ame i ɔnyagemi se ne. Atoa sɔ ɔse kekẽi ne, ɔse ɔde ndamu i ara siare iso.

Nyo kumegɔ i ipo ɔmɔ, ʎee katomeremereĩ kekẽi kere nse katsuedza ne.

⁶ Ɔnyagemi se le ɔto. Kayi ga i ara lalaa ibara ɔyi i ɔnyagemi de i bo siturina ame. Ɔse ɔɣera kuturidziri ɔduɔdu, ɔtsuedza ɔturi ngbã, fie ɔ mɔmɔ ne, Ɔbosam itokpe nse itsue i ɔ ame.

⁷ Bose bowo mabɔi lalaa gu kurodzai ɔɣedza, mabɔi ma nse mabore i karɔ gu ndu ame mabɔi ɔduɔdu, fie i ɔnukuare ame ne, ɔturi se ɔɣedza mabɔi magbe ɔduɔdu.

⁸ Ƴee ɔnyagemi de ira ne i ɔturi kuwẽ iiwo ɔbara so ɔakã wũ atsue. Ɔnyanyarĩ, ikpi ibara iise idã wũ, fie kabiete ga nse kaɔoe maturi ɔyi i ɔ ame.

⁹ Bose bosu wũ bole bo Ɔse Ƴaa fie bose bosu wũ bogbarĩ maturi mama ma i Ƴaa ɔbara i ɔ kumiamia ame.

¹⁰ Kanya kawẽ ga ame nto kale Ƴaa ame nto ka gbarĩ maturi ne. Wũ manyii iikote so iase ngbɔ!

¹¹ Ndu me mba ɔmerẽ gu mme mba mma iibawo itubu iwẽ ame ɔwe.

¹² Wũ manyii, kubo aawo abere ɔɣɔ ɣee kaɣakpei ɔɣɔ aboi? Ngbɔ ame i mma ndu gu ndu mme mba ɔmerẽ iibawo itubu iwẽ ame ɔwe ne.

Kumegɔ Inɔgba Ne Lobɔre I Kato Se.

¹³ Ɔwẽ pia i mi ndẽ gɔ ɔde nɔgbadze gu ngɔ nse ɔno ara karɔ? Ngɔmɔ si ɔsu ngbã see me ɔsi i karɔ ibɔso gu iwola ame ɔte.

¹⁴ Ƴee si mito mikpẽ sirere i mi situ ame, miba kaɔo fie mise mibie mi ɔnɔwẽ ɔkpe ne, midaabara ikpi i ɔnukuare iso miɔe ndamu i mi iwola iso.

¹⁵ Iwola nemɔ igbã ne, iide kato ibɔre, ɣee kayiiso ire ne loiɔe Siwarã Bielea ire fie ibɔre i Ɔbosam kɔre ide.

¹⁶ Alaso ngbego i kanobebe pia fie maturi se mabie ma onowẽ okpe ne, iweweso gu ara nyanyarĩa igbã biara ana se iwe i mmọ.

¹⁷ Үеe iwola ne lobore i Үaa kore ne, ideakatõ, ikpa, ise ibie isobue, ise imõeso ila, ise inogu maturi ara karõ, iyi ku nnyainyo, ara see se abore i ne ame, iise ipia ikpaki i maturi ndẽ fie sila ana na i ne ame.

¹⁸ Mma nse makpura fie mase makpadzẽ isobue mabo se mape oradiui go abi nde sibololo ara ibara.

4

Mibo So Karõ Mitã Bosate

¹ Amami gu kalo ga mpia i mi ndẽ ne, le abore? Mi sosina ara nyanyarĩa wa nse akpẽ mi okã nsegu wã.

² Mito mibie ara wa lonya mi, Үеe miito mina, ne oso mise midoe maturi. Mise mibebe ano so miafo ara i oturi kore, go miina mifo oso ne, mise milo kalo mikpẽgu so. Miise mina nne mito mibie, alaso miise mikare Үaa.

³ Fie si mikare Үaa ana ne, õise otã mi alaso miise mikare ala adzuni see. Mise mikare ara so si miasu nwa miafo mibara ala mi kudoe.

⁴ Mma nse mafe Үaa kama mide! Miixe so ngo nse odegu kayiiso kulaa ne, Үaa tsirise ode? Ne oso obiara go losu kayiiso ara obara õ olaa ne, Үaa tsirise ode.

⁵ Mibu so otsere kere matsere i Oko Sekelea ame so, “Үaa se okpẽ sirere teteree i õ Siwarã dze osu opia bo ame kanya.”

⁶ ҮҮе ɔle gɔ i Үaa se ɔtã kɔra ɔsi ɔɔɔ. Ne ɔso i Ɔko Sekelea ɔxe sɔ, “Үaa iise ɔtɔrãgu mma nse makɔle so kato, Үе ɔse ɔnyɔ mma lobɔ so karɔ nnya.”

⁷ Ne ɔso mibɔ so karɔ mitã Үaa, mita miya Ɖbosam iso si ɔare mi kama.

⁸ Mibore mibo Үaa si ɔ wũ ɔabore ɔbo mi. Makpibaradze, mifore nɔɔ! Mi ma nse mifinikira adzuni malamala, mi sekelera mi situ.!

⁹ Minya ibo, mimararã so si mibiε kaku. Mitã mi sima si sikpese kaku, si isoɔɔ si ikpese ɔtu ibiera!

¹⁰ Mibɔ so karɔ mitã Bosate si ɔakɔle mi kato.

Midaakidza Manyii Fɔɔɔɔɔde Malamala.

¹¹ Manyii, midaakidza mi malaa malamala. Ngo loxe ira ne loikote i ɔ ɔnyii fɔɔɔɔɔde iso, Үе ɔxeɔgu ɔ ɔnyii atɔme ne, ɔxe nne loikote i mmara iso, fie ɔxeɔgu mmara atɔme. Fie si mmara axeɔgu atɔme ne, iyo aito abara i mmara iso, Үе ngo nto ɔxeɔgu mmara atɔme aɔe.

¹² Үaa ɔnɔwẽ nɔe ngo nse ɔsi mmara gu atɔmexɔɔde. Ɔ ɔnɔwẽ loawo ɔturi ngbã ɔtã, fie ɔawo wũ ɔwɔra ana. Fɔ nɔe nna fie ato axeɔgu fɔ ɔlaa atɔme?

Midaakɔle So Kato I Kɔrãkaɔe Iso.

¹³ Milo si minɔ, mi mma nse miye sɔ, “Nɔme, Үе kɔrãkaɔe loase ɔmagẽ siare gɔgbe Үе ngɔmɔ, boawe i mmɔ ikɔ iwẽ boɔe kuɔa bona kusia.”

¹⁴ ҮҮе nto loyere mi sɔ miye nne loabɔre mi iso ku kɔrãkaɔe. Ɖse kere mise le kuɔɔ gɔ losake kinio Үе ito ibara kere kuoyu.

¹⁵ Nne ikote so miayɛ nde so, “Si Bosate otã bo ngbã fie boikpi ne, boabara nne gu nne.”

¹⁶ Yee mise mikole so kato, mide ndamu go iile.

¹⁷ Ne oso ngo loise obara isee ne oye so obara ne, ikpi ide itã wũ.

5

Kuka Kutã Maranase.

¹ Kiniɔ ne, mi mma nde maranase si mikã me atsue. Mibiɛ si miwana so ala ira boa ne loaba mi iso oso.

² Mi karana oye fie kukorokpebubui ana oode mi arapia.

³ Mi sikãretea gu sifudza ope mato fie mato ma i sikã ope ngbe to iade adansie i mi iso, ibebe mi le oto ku atõme iyeyi. Mito misa karana kanya mifu ku ayi tsora wagbe ame.

⁴ Mi marabaradze ma misẽ so miito mitã aso ne, mino ma kaku. Mma losa oadui kanya matã mi sitore obbo Bosate go nde Kpakpẽdzekpakpa i kutsue.

⁵ Mide ngbã i kayi gagbe ame, misu ara wa lofo kuɣa miminidza so owi biara, mide ara mina ida mitã mi idoeyi.

⁶ Mma loiyere mi ne, miotã ma kukpi ipo, mide ma ato so maita maya mi iso.

Mina Otu Si Minyo Bosate Iba Ori.

⁷ Ne oso wũ manyii, miɣara so pokoso gbogbogbo Bosate aaba. Minyo kpẽdze! Si oto onyo kamɔ ga oape ne, ose oɣara so otã Butu gu Sala makado so mape si kale.

⁸ Ne oso mi wũ miɣara so ngbo si mina otu alaso Bosate obawi ooro oyo.

⁹ Midaanyagalagu so si Ƴaa iibaɣɛgu mi atõme. Atõmexedze ɔoro ɔba.

¹⁰ Wũ manyii, minyigi kanyamaɗidze ma loɗe ika i Bosate iyere ame. Misu ma ngbã le ikparĩ awe i kumegɔ maɣara so i ma inyewe ame.

¹¹ Bose bonyɔ mma lona ɔtu i inyewe ame so kusekuse sia ma iso. Minɔ kumegɔ i Hiob ɔna ɔtu i inyewe ame, fie minɔ nne i Ƴaa ɔbara ɔtã wũ i kawirikõ. ɔturi ara se aɗo Bosate kayiri, fie ɔse ɔnyɔ ɔturi nnya.

¹² Inyaare ne wũ manyii, midaala miɔtarĩgu ara. Midaatarĩgu kato, ɣee karõ, ɣee kuira mama, ɣee mitã mi aĩ si ide aĩ, si mi ooɣo si ide ooɣo, iyo Ƴaa sikipã iibaba mi iso.

¹³ Si mi ɔrere pia i imɔrẽ ame ne, ɔkparama kayi, fie si mi ɔrere to ɔna isoɣo ana ne, ɔka aka ɔle Ƴaa.

¹⁴ Si mi ndẽ ɔrere to ɔnye ne, ɔpia si makpere mafɔɗedze matɔɗedze si makparama kayi i õ iti, masola wũ nnoĩ i Bosate iyere ame.

¹⁵ Kayi ga makparama i kafɔkaɗe ame to kaasa ngɔ nto ɔnye, Bosate ɔtara wũ ɔɣedza. Fie si ɔbara ikpi ne, Ƴaa aasu ɔtse wũ.

¹⁶ Ne ɔso mibusi mi akpi miɣere so si mikparama kayi i mi malaa atĩ si miana isosare. ɔle siare pia i ɔturi bɔlɔlɔa kayi ikparama ame.

¹⁷ Eliya õ wũ ɔturi kere ɔɗe le bo. ɔkparama kayi teteree so Ƴaa si ɔdaatã kado si ɔpe, fie gbaã ne, ako ate awa akuɔ ne, kado iifere i karõ.

¹⁸ Kama ne, ɔkparama kayi fie kado ka ɔpe ɔfere i karõ iso ɔraɗui ɔle.

¹⁹ Wũ manyii, si mi ndẽ ɔrere ɔyu ori, ɔre

ɔnukuare kama fiε mi ndẽ ɔwẽ ɔkpesera wũ ɔbo
ne,

²⁰ minyigi sɔ ɔbiara gɔ lofinikira kpibaradze
ɔbo ʏaa kɔrε ne, ɔto ɔatã kpibaradze gɔmɔ ɔna
ngbã gu akpi gbodzoo ana kasukatsɛ.

Siwu

Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files dated 26 Apr 2025

b5020a1a-c7b9-512a-9b46-1e462be571d4